

Богослужение Царской Православной Церкви
3 ФЕВРАЛЯ: Преподобного Максима Грека.

Вечером 2 февраля

Изменяемое №1

На Господи воззвах:

Стѹх: Изведѹ из темницы дѹшу мою, исповѣдаться ѹмени Твоемѹ.

Стѹх: Мене ждѹт праведницы, дѡндеже воздаси мнѣ.

Стѹх: Из глубины воззвах к Тебѣ, Господи, Господи, услыши глас мой.

Стѹх: Да бѹдут ѹши Твоѹ внѣмлюще гласу молѣния моего.

Стѹх: Аще беззаконія нѣзриши, Господи, Господи, кто постоит; яко у Тебѣ очищѣние естъ.

Стѹх: Имене ради Твоего потерпѣх Тя, Господи, потерпѣ дѹша моя в слово Твое, уповѣ дѹша моя на Господа.

Стѹх: От стражи ѹтренняя до нѡщи, от стражи ѹтренняя, да уповѣет Израиль на Господа.

Глас 2. Егда вся мирская мудрѡвѣнія/ отвѣргл еси, ѡтче Максиме,/ крестѡм разум просветѣв,/ обрѣл еси безцѣнный бѣсер – Христа,/ Иже тя премѹдра показѣ,/ уловѣв мрежею веры./ Сего ради молимся ти, ѡтче Максиме:/ моли Христа Бога умудрити нас/ и спасти дѹши наша.

Стѹх: Яко у Господа милость, и многое у Него избавлѣние, и Той избавит Израилья от всѣх беззаконій его.

Егда Христа ради странствия/ подъял еси, премѹдре Максиме,/ крестѡм вся стрѣлы лукаваго разжженныя, угасѣв,/ стяжал еси благодѣть Святаго Дѹха,/ Иже тя чудотѡчца прослави,/ являя исцелѣния и цельбы./ Сего ради молимся ти, ѡтче Максиме:/ моли Христа Бога благодѣть подѣти нам/ и спасти дѹши наша.

Стѹх: Хвалите Господа всѹ языцы, похвалите Его всѹ людие.

Егда многія кнѣги от грѣческаго на словѣнский язык/ превѣл еси, преподѡбне Максиме,/ крестѡм веру уяснив,/ оклеветан был еси и в темницу осужден,/ идеже Святому Дѹху канѡн написѣл еси,/ не имѹщу ти чернил, углѣм по стѣнам./ Сего ради молимся ти,

многострадальне Максiме:/ моли Христа Бога укрепити нас/ и спасти души наша.

Стiх: *Яко утвердися милость Его на нас, и истина Господня пребывает во век.*

Егда лестный мрак уныния/ просветил еси, святе Максiме,/ крестом душу утвердив,/ познал еси Бога – Истинного Отца,/ Иже ты, яко сына, в Царствие Небесное призвал,/ паче снега убелив./ Сего ради молимся ти, отче Максiме:/ моли Христа Бога умирить нас/ и спасти души наша.

Слава, глас 1: В преставлении твоём к Богу, преподобне Максiме,/ жалостию сердца наша исполняются,/ и слезнии источники изливаются,/ и монахов множество умильными словесы/ ты, отца, и учителя, и наставника венчают,/ вся же страна Российская безпрестанно красуется/ сладкими словесы твоими.

И ныне, Богородичен: Всемирную славу/ от человек прозябшую/ и Владыку рождшую,/ Небесную дверь/ воспоим, Марию Деву,/ Безплотных песнь и верных удобрение:/ Сия бо явился небо и храм Божества;/ Сия преграждение вражды разрушивши,/ мир введе и Царствие отверзе./ Сию убо имуще веры утверждение,/ Поборника имамы из Нея рождшагося Господа./ Дерзайте убо, дерзайте, людие Божии,/ ибо Той победит враги,/ яко Всесилен.

<далее см. основной Чин>

Изменяемое №2

Прокимен после «Свете тихий»: *См. Прокимен дня <далее см. основной Чин>*

Изменяемое №5

По полиелёи седален *глас 4:*

Яко звезда пресветлая, обтекая восточныя страны и к северу пришедшая,/ озаряет мглу, темность мрака просвещая всяческую,/ тако и ты, преподобне Максiме, уподобился еси сей,/ державного испрошением странен явился еси и пресельник от Афона в велицей России,/ в исправлении Божественных Писаний предивен, изыщен показася,/ но наветующими лстываго борца наущении пострадал еси,/ и за страдания своя и в темнице заточения от Бога свыше прият чудодействия дар,/ и ныне молим тя:/ присно проси Христа мир вселенней даровати/ и душам нашим велию милость.

Слáva, и ны́не, Богоро́дичен: Ущéдри мене́, Влады́чице, к Тебе́ прибега́ющего,/ и изба́ви мя стúднаго насýлия злóбных предста́телей лю́таго, змíя,/ íже, я́ко ехíдны, уязвля́ют ду́шу мою́./ А́ще бо аз и неключи́мый раб Твой, Влады́чице, но упова́ю на Тя.

Изменяемое №6

Степéнна, 1-й антифо́н 4-го гласа.

Прокíмен *глас 4:* Честна́ пред Го́сподем/ смерть преподо́бных Егó.

Стих: Что возда́м Го́сподеви о всех, яже воздаде́ ми?

<далее см. основной Чин>

Изменяемое №7

По 50-м псалме́ стихíра *глас 6:*

Егда́ страда́ния претерпевáл еси́, преподо́бне Макси́ме,/ тогда́, пла́ча и рыда́я,/ моли́л еси́ святíтеля Мака́рия:/ даждь ми узрéти Святую́ Го́ру -/ моли́твенницу о вселénней./ Он же со слезáми вопия́ше ти:/ о Макси́ме!/ Вíжду тя невинóвна/ моли́твенника и сокруша́юся,/ úзы тво́я я́ко еди́наго от святýх целую́,/ а помощí не могу́ ти./ Но, о преподо́бне óтче,/ моли́ся приле́жно Бо́гу и Ма́тери Егó/ спастíся сéтей вра́жиих/ нам невредíмым.

<далее см. основной Чин>

Изменяемое №8

Кано́н Макси́му Гре́ку *глас 1.*

Песнь 1

Ирмо́с: Пои́м, вси лю́дие,/ от го́рькия рабо́ты фара́они Изра́иля измéншему/ и во глубинé морсте́й нога́ми немóкрыми Настáвльшему/ песнь побéдную,/ я́ко просла́вися.

Воспе́ти кий язы́к возмо́жет по достоя́нию/ тво́я, предíвный óтче, ве́лия исправле́ния, вы́сокое учи́тельство,/ в темни́це и во úзах мýченическое страда́ние и долготерпе́ние?

Ка́ко воспоём и что ты наречём, предóблий óтче?/ Проро́ка ли, я́ко провещá неудобь разумева́емая и ве́домая нам,/ апо́стола ли, я́ко зы́блемую проти́вными нам ве́тры/ утверди́ христиáнскую ве́ру Божéственных писáний учéнии,/ учи́теля ли, но войсти́нну ничи́м же хýждши и ни́жши еси́ вели́ких óнех вселénских учи́тель.

Воспе́ти Свята́го и поклоня́емаго Паракли́та в те́мнице извещéние от А́нгела, прии́м,/ сотвори́л еси́ канóн Свято́му Ду́ху,/ Ёмже ещё в

воли просвещён, священныя и Богодухновенныя книги составил еси.

Богородичен: Поим, вси людие, святѣню и славу Пречѣстѣя и Всепѣтѣя Божѣя Матере,/ вышшую Небес и всех умных Сил,/ поносѣвшую в пречѣстой Своей утробѣ Еммануила,/ яко свѣта и преславна есть.

Песнь 3

Ирмос: Утверди мене, Христѣ, на недвижимом камени заповедей Твоих/ и просвети мя светом лица Твоего:/ несть бо свят, паче Тебѣ, Человеколюбче.

Утвердил еси, преподобне Максиме, в сердце своем Божественный страх,/ вся похоти плотская возненавидев,/ сего ради умудрился еси, якоже прост младенец,/ и вслед Господеву востекл еси.

Утверждением имѣя распѣншагося Господа Иисуса Христа,/ странен, незнаем, бездомен, безотечествен,/ безъименен, безсмыслен был еси, преподобне Максиме,/ пред своими сродники, знаемыми и други.

Утверждаяся на заповедех Господних,/ от горести темничная был еси на мног час, яко мертв,/ но дѣял еси о злонравных молитву, сѣце глаголя:/ Господи, Иисусе Христѣ, Сыне Бога Живаго,/ не постави им греха сего, клеветующих на мя неправду.

Богородичен: Утверди нас к хвалѣнию Твоему, Дѣво,/ и сохрани без вреда от всякия козни лукаваго,/ и сподоби стояния одесную Единороднаго Сына Твоего,/ Емуже подобает всякая слава, честь и поклонение во веки веков.

Седален, глас 4: Ум украсив поучении Богодохновенных Писаний,/ трезвенною молитвою и бдении Богоугодными,/ утвердил еси сердце свое в Господѣ исполнением заповедей спасительных Его,/ сего ради прославляют тя вѣну россійстии людие и Афѣон,/ и обитель Ватопѣдская вкупе с нами вопиѣт:/ Максиме премудре, не остави нас, молящихся тебѣ.

Сла́ва, и ны́не, Богоро́дичен: Молю́ Тя, Пречи́стая Ма́ти Бо́га Вы́шняго,/ еди́но ду́шї моея́ утеше́ние, упова́ние, сла́досте,/ Божество́нный покрóве, све́те, заступле́ние и спасе́ние!/ Сподóби мя Твои́ми моли́твами услы́шати глас,/ благослове́нных призыва́ющий внутрь черто́га Влады́ки.

Песнь 4

Ирмо́с: Ве́лия та́йна/ Твоего́, Христе́, смотре́ния:/ сию́ бо свы́ше провѣ́дя богозри́тельно, Авваку́м,/ изше́л еси́, вопия́ше Тебе́,/ во спасе́ние люде́й Твои́х, Человеколю́бче.

От та́йных ерети́ческих лжеуче́ний/ ничто́же утайся от Тебе́, преподо́бне Макси́ме,/ но благода́тию Свята́го и поклоня́емаго Ду́ха вся тебе́ открове́на суть.

Та́инственных догма́тов Правосла́вный ве́ры/ не то́чию побóрника и́стинна и ве́рна себе́ показá,/ но и па́че преóстра секи́ра/ на вся, я́же под небесе́м, е́реси́ яви́лся еси́.

Я́ко та́ин Свята́го Ду́ха строите́ль,/ и Небе́снаго жи́тельства рачи́тель, и зако́на Госпо́дня учи́тель/ вои́стинну показáлся еси́, прему́дре Макси́ме.

Богоро́дичен: Ве́лию та́инству Моисе́й Богови́дец науче́н, зря купину́ неопали́му:/ купина́ – немо́щь челове́ческаго естества́,/ огонь же – Божество́ Единоро́днаго Сы́на Вы́шняго,/ и́бо Бог наш – огонь есть, поядáяй грехи́ на́ша,/ я́коже Божество́нный апо́стол рече́.

Песнь 5

Ирмо́с: От но́щи у́треннююще, поём Тя, Христе́,/ Отцу́ Собезнача́льна и Спа́са душ на́ших,/ мир ми́рови пода́ждь, Человеколю́бче,

Но́щию луна́, днем со́лнце просвещáют и веселя́т тварь всю ви́димую,/ жити́е же и прему́дрость святы́х просвещáют и веселя́т ду́ши всех челове́ков,/ хотя́щих спастися и в ра́зум и́стины прии́ти./ Си́це и писа́ния преподо́бнаго Макси́ма Гре́ка, я́ко богодухнове́нныя труды́, велегла́сно вопи́ют.

В но́щи моля́щуся тебе́ в темни́це,/ Богонача́льныя и Преблагі́я Тро́ицы про́мыслом внем А́нгел Госпо́день и рече́:/ о ста́рче! Си́ми му́ками избу́деши ве́чных мук.

В но́щи, я́ко сладкогласный и добропéснивый сла́вий,/ воспéл еси́, премúдре Макси́ме:/ не тужи́, не скорби́, ниже́ тоску́й о ни́хже, -/ любéзна ми ду́ше, -/ стра́ждеши без пра́вды,/ тво́я бо мзда ве́лия на Небесéх.

Богорóдичен: От но́щи у́треннююще, поéм Тя, Дéво,/ Дщерь Царéву, рясны златы́ми одéяну и преиспещрэ́ну,/ лéстницу, ю́же Иа́ков ви́де,/ го́ру, ю́же благоволи́ Бог жи́ти в ней, и́бо Госпóдь вселит́ся до концá.

Песнь 6

Ирмóс: Прорóка спасл еси́ от кúта, Человеколю́бче,/ и мене́ из глубины́ прегрешéний возведи́, молю́ся.

Прорóчески, преподóбне Макси́ме, лю́ди облича́л еси́, к покая́нию приводя́:/ заблудíхом, заблудíхом от пра́ваго и незаблúднаго жи́тельства преподóбных инок/ и без ума́ течéм к пóчести вы́шняго звáния.

Прорóк покая́ния яви́лся еси́, преподóбне Макси́ме,/ ду́ши трезвéние снабде́вая Божéственными словесы́/ и из ро́ва страстéй возводя́ омрачéнных грехми́.

Прорóческие писáния, в та́йне глаго́ланныя,/ я́вны соде́лал еси́, премúдре Макси́ме,/ сегó ра́ди послу́шают тя обíльно вси лю́дие.

Богорóдичен: Прорóки Тя провозвестíша, Дéво Чíстая,/ апóстоли проповéдаша, святíи вси ублажи́ша,/ мы же со Арха́нгелом вопиéм:/ ра́дуйся, Благода́тная, Госпóдь с Тобо́ю.

Конда́к, глас 8: Богодухновéнным Писáнием и Богослóвия проповéданием/ неvéрствующих суету́дрие обличи́л еси́, всебога́те,/ па́че же, в Правосла́вии исправля́я, на стезю́ и́стиннаго познáния наста́вил еси́,/ я́коже свирéль Богогласная, услажда́я слы́шащих ра́зумы,/ непреста́нно веселиши, Макси́ме досточúдне,/ сегó ра́ди мо́лим Тя:/ моли́ Христá Бо́га грехóв оставлéние низпослáти/ ве́рою пою́щим всесвято́е твоé успéние, Макси́ме, óтче наш.

И́кос: Ка́ко воспоéм велича́йшему тезоименíтаго, Макси́ма предóбляго?/ Преподóбных краса́ венца́, страда́льцев твёрдаго пра́вила,/ еретикóв нелóжнаго посрамлéния, Цéркви столпа́ непоколебíмага,/ дéвственник извéстнаго наста́вника и супру́жества

честнаго заступника,/ философ премудраго мудреца, истины
источника приснотекущаго,/ инок похвалу и всех людей воистинну
украшение,/ сего ради молим тя, досточудне Максиме:/ моли Христа
Бога грехов оставление низпослати/ верою поющим всесвятое твое
успение, Максиме, отче наш.

Песнь 7

Ирмос: Образу служити,/ мусикийскому согласию созывающую люди,/ от песней
сионских поюще отечески, отроцы Давидовы/ мучителево разорisha злочестивое
веление/ и пламень в росу предложisha,/ песнь воспевающе:/ превозносимый отец
и наш Боже, благословен еси.

Образу промысления Пресвятыя Троицы песнь благодарственну
воздав, преподобне Максиме,/ вся ны призвал еси благословити
неблаженно Отца, и Сына, и Святаго Духа,/ Единого Бога в Трех
Ипостасех.

Образ злострадания, терпения и молитвы показался еси, святе
Максиме, паче же и упования,/ яко Бог Судия праведен, и крепок, и
долготерпелив есть,/ и Той воздаст коемуждо по делу его.

Образ превыспреннего Богословия стяжал еси, премудре
Максиме,/ сий есть догматы Божественных апостол и отец,/ от
Святаго Параклита излианныя, имже и нас научаеши Богомудрыми
своими писаними.

Богородичен: Образ пречистаго Твоего рождества, Дево Мати,/
неизреченен и неведом есть,/ Ты бо вселение превечнаго
Единороднаго Сына Отца была еси, не опалившись от Него.

Песнь 8

Ирмос: В пламени огненне горящая пещи/ сохраншаго дети/ и во зраце Ангела
снизшедшаго к ним/ пойте Господа/ и превозносите Его во веки.

Пламене Божественнаго Параклитова облистания возжелев,
преподобнее Максиме,/ сего ради и сладчайшим светом учения и
чудес огнем/ отгнал еси всякий мрак бесовский.

Пламене гееннского бегати люди научил еси, преподобне
Максиме,/ сих призывая делом совершати заповеди Христовы/ и

отступити злѡбы, блудѧ, лжи, гѡрдости, лъсти и хищѣнія неправеднаго чужѣх имѣній.

Плѧменно нечѣстие еретическое попалѣл есѣ, премудре Максимѣ,/ вѣры же христѣанскія непорѡчныя Божѣственное исповѣдание изъяснѣв.

Богорѡдичен: В плѧмени ѡгненне горящія купинѣ вѣде Тя Моисѣй Боговѣдец,/ провозвестѣв безсѣменное рождество Твое, Дѣво Пречѣстая,/ сего рѧди и нас плотскѣх страстѣй свободѣ.

Пѣснь Богорѡдицы: Велѣчит душѧ моя Гѡспода: *<см. основной Чин>*

Песнь 9

Ирмос: Тебѣ, свѣтлую свещу и Мѧтерь Бѡжию,/ пречудную славу и вѣшшую всех тварѣй,/ пѣснями величаѣм.

Тебѣ, свѣтлую свещу, и ум крайнѣйшій, и столп непоколебѣим вѣмы,/ пѧче же наставника монахов и ересѣй наказателя проповѣдуем.

Свѣтло от полуденныхъ странъ возсиял есѣ, преподѡбне Максимѣ,/ свѣтло житиѣ показѧв, мрак лукавствия прогонѧя/ и благоприятною молитвою просияв.

Свещѧ Божѣственного рѧзума быв, достѣгл есѣ в познѧние Сына Бѡжия,/ в мужа совершенна, в мѣру вѡзраста Христѡва,/ сего рѧди и мы вопиѣм ти:/ блаженъ ты есѣ воистинну по всему,/ и пѡдвиги, и славою, и благодѧтию, яже есѣ свѣше получил.

Богорѡдичен: Тебѣ, и свѣтлую свещу в нощѣ страстѣй,/ и покрѡв благостѣни, и стѣну необорѣму от навѣт вражѣих,/ пѣснями велегласно величаѣм.

<далее см. основной Чин>

Изменяемое №9

Светѣлен:

Свет возсиялъ есть преподѡбному Максѣму Божѣственныхъ словѣс и повелѣний,/ сего рѧди яко свет вторѣй и ум крайнѣйшій намъ явѣся.

Слава, и нынѣ, Богорѡдичен:

Ужасошася а́нгельский си́лы, зря́ще Де́ву,/ Свет от Свѣта в руках держа́щу,/ чи́сте Ро́ждшей вопи́яше:/ Свет возсия́л есть нам от деви́ческих ложесн.

<далее см. основной Чин>

Изменяемое №10

На стихо́вне стихи́ры *глас 2:*

Дом Ду́ха Свята́го/ и Ца́рствия наслѣдник/ ты еси́, Макси́ме,/ моли́ся о нас,/ чту́щих святу́ю па́мь твою́.

Стих: Честна́ пред Го́сподем/ смерть преподо́бных Его́.

Дом благода́ти/ яви́лся есть гроб твой,/ Макси́ме премúдре,/ моли́ся о нас,/ притека́ющих к тебѣ.

Стих: Блаже́н муж, боя́йся Го́спода,/ в за́поведех Его́ восхо́щет зело́.

Дом твой но́вый -/ свята́я Ла́вра,/ вку́пе и Афо́н/ пе́сненно да восхва́лят/ по́двиги и страда́ния тво́я.

Сла́ва: До́ме Святы́я Тро́ицы,/ красуйся и лику́й,/ имѣя свети́льник,/ иже под спúдом/ сияет па́че со́лнечных луч.

И ны́не: Дом Бо́жий,/ и пала́та Ца́рская,/ и черто́г Небе́сный/ ты еси́, Пречи́стая,/ упова́ние и покрóв.

<далее см. основной Чин>

Утром 3 февраля

Изменяемое №11

По 1-м стихослóвии седа́льны *глас 8:*

Тве́рдья и Боговещáнная глаго́лы со тща́нием изъясня́я и нечести́выя писа́нии облича́я/ ум свой вперив в Го́рняя к Бо́гу,/ узы страда́льческий от наве́т проти́вных претерпе́л, Макси́ме преподо́бне,/ и сих ра́ди и́ноком яви́лся еси́ о́браз, па́че же и похва́ла.

Сла́ва, и ны́не, Богоро́дичен: *<далее см. основной Чин>*

Изменяемое №12

По 2-м стихослóвии седа́льны *глас 8:*

Все своѣ у́мное жела́ние к Бо́гу вперил еси́,/ и Того́ зва́нию невозврати́то от ду́ш послѣдовал еси́,/ во оби́тель преподо́бнаго Сѣргия коне́чно всели́всь, и, та́мо а́нгельски пожив,/ мно́гим путь был еси́ ко спасе́нию,/ сего́ ра́ди и Госпо́дь тебѣ просла́ви, чудесы́

обога́тив,/ те́мже вси вопи́ем ти:/ ра́дуйся оби́тели Тро́ицкия
чудесото́чное похвало́, Макси́ме о́тче наш.

Сла́ва, и ны́не, Богоро́дичен: <далее см. основной Чин>

Изменяемое №13

Тропа́рь *глас 8:*

Заре́ю Ду́ха облиста́емь,/ вити́йствующи́х богому́дренно
сподо́бился еси́ разу́мения,/ неведе́нием омраче́нная серде́ца
челове́ков све́том благоче́стия просвеща́я,/ пресве́тел яви́лся еси́
Правосла́вия свети́льник, Макси́ме преподо́бне,/ отону́дуже
ре́вности ра́ди Всеви́дящаго/ оте́чества чужд и стра́нен, Росси́йския
стра́ны был еси́ пресе́льник,/ страда́ния темни́ц и заточе́ния от
самодержа́внаго претерпе́в,/ десни́цею Вы́шняго венча́ешися и
чудоде́йствуеши пресла́вная./ И о нас хода́тай буди́ непрело́жен,/
чту́щих любо́вию святу́ю па́мь твою́.

<далее см. основной Чин>

Изменяемое №14

На хвали́тех стихи́ры:

Сти́х: Сотвори́ти в них суд напу́сан./ Сла́ва сия́ бу́дет всем преподо́бным Егó.

Сти́х: Хвали́те Бо́га во святы́х Егó,/ хвали́те Егó во утвер́жении си́лы Егó.

*Сти́х: Хвали́те Егó на си́лах Егó,/ хвали́те Егó по мно́жеству вели́чества
Егó.*

Глас 8: Отре́клся еси́ себе́, преподо́бне Макси́ме,/ и стра́нна себе́
показа́ всего́ жити́я сего́ су́етнаго,/ ни пи́ще сла́дкой, ни сла́ве, ни
име́нием ктому́ ра́дуясь,/ ниже́ дру́жбам си́льных./ Вся же вку́пе
отри́нул еси́ нестяжа́тельным жити́ем,/ и слеза́ми, и безмо́лвием,
моли́твами, и бде́нии, и кни́жными прочита́нии,/ Боже́ственной
добро́тою мы́сленно пита́йся, ра́дуешися,/ весе́лия при́сно
наполня́емь.

Сти́х: Хвали́те Егó во гла́се тру́бнем,/ хвали́те Егó во псалти́ри и гу́слех.

Отре́клся еси́ себе́, преподо́бне Макси́ме,/ и стра́нна себе́ показа́
всего́ жити́я сего́ су́етнаго,/ ни пи́ще сла́дкой, ни сла́ве, ни име́нием
ктому́ ра́дуясь,/ ниже́ дру́жбам си́льных./ Вся же вку́пе отри́нул еси́
нестяжа́тельным жити́ем,/ и слеза́ми, и безмо́лвием, моли́твами, и
бде́нии, и кни́жными прочита́нии,/ Боже́ственной добро́тою
мы́сленно пита́йся, ра́дуешися,/ весе́лия при́сно наполня́емь.

Стіх: Хвалі́те Егѡ в тимпа́не и ли́це,/ хвалі́те Егѡ во стру́нах и орга́не.

Максі́м преподо́бный, я́коже и дре́вле отцы́,/ не хۇ́де боро́ния показа́,/ о́во ерети́кї словесы́ своїми бия́,/ о́во же ве́рныя неподви́жимо ве́ре стоя́ния укрепля́я,/ не поколеба́ша бо сего́ отца́ лю́тыя бу́ри прира́жения,/ ни темни́ца, ни у́зы, те́ло держа́щи,/ а ду́шу просвеща́ющи.

Стіх: Хвалі́те Егѡ в кимва́лах доброгласных, хвалі́те Егѡ в кимва́лах восклицáния./ Вся́кое дыха́ние да хва́лит Го́спода.

Максі́м премудры́й,/ вторы́й земны́й и многострада́льный херуві́м,/ Божество́нную трапéзу нам предлага́ет в па́мяти сво́ей,/ усер́дно теце́м, о празднолю́бцы,/ на пресла́дкий сей и изоби́льный исто́чник,/ распали́вшуюся жа́жду от ло́жных ерети́ческих уче́ний угаша́юще/ и ду́ши в Го́рния оби́тели возво́дяще.

Сла́ва, глас 3: Спаси́ нас Твое́ю благода́тию, Пресвята́я Тро́ице,/ Содо́телю всех и Содо́ержателю,/ сохрани́ нас чи́сты, в настоя́щем убо житі́и благове́рно служа́щих Ти,/ в бу́дущем ве́це сподо́би соучини́тися нам/ Божество́нному ли́ку избра́нных Твои́х,/ иде́же шум чист пра́зднующих и глас неизрече́ннаго весе́лия.

И ны́не, Богоро́дичен: <см. основно́й Чин>

Изменяемое №15

Кондак глас 8:

Богоду́хновенным Писа́нием и богосло́вия пропове́данием/ неве́рствующих суемуд́рие обли́чил еси́, всебога́те,/ па́че же в Правосла́вии исправля́я, на стезю́ и́стиннаго позна́ния наста́вил еси́,/ я́коже свире́ль богогласна́я, усажда́я слы́шащих ра́зумы,/ непреста́нно весели́ши, Макси́ме досточу́дне./ Сего́ ра́ди мо́лим тя: моли́ Христа́ Бо́га/ грехо́в оставле́ние низпосла́ти// ве́рою пою́щим всесвято́е тво́е успе́ние, Макси́ме, о́тче наш.

<далее см. основно́й Чин>

На Литургии

Изменяемое №20

Прокі́мен, глас 7: Честна́ пред Го́сподем/ смерть преподо́бных Егѡ.

Стих: Что возда́м Госпо́деви о всех, я́же воздаде́ ми?

Изменяемое №21

Аллилуйя, *глас 6*: Блажен муж, бойся Господа, в заповедех Его восхощет зело. *Стих*: Сильно на земли будет семя Его.

Изменяемое №22

Причастен: В память вечную: